

辛未冬季

大成會覽錄

第三十六期

大成會叢錄第三十六期目錄

講義

聖誕會感言

入則無法家拂士出則無敵國外患者國恒亡

論說

說豫

講演

辛未陽歷八月二十七日 省文廟講演

藝文

清授資政大夫華翎二品銜京察記名道府禮部典制司郎中武陟王君

墓表

徐 炯

徐 炯

徐 炯

郭彥謙

李嘉珍



徐子休先生與衍聖公書

衍聖公復徐先生函

徐子休先生復衍聖公書

復國慶籌備處書

張浚論

前題

前題

祭王偉臣先生文

華陽職業學校校歌

專著

霽園隨筆

徐 炯

陶士傑

李德龍

胡萬錕

徐 炯

徐 炯

學說

四先生粹語

紀事

溫江大成小學校來函

各校祀 孔紀略

本會辛未年八月初二日票選董事表

曲阜孔教總會來函

附錄

華陽縣立職業學校成立紀念宣言

馬素論留學生

章炳麟致柳教授書

大成會書金

日新印刷工業社印

聖誕會感言

李嘉珍

錫嘯
蘭中

孔子在我中國 稱爲時中之聖 伊古以來 上自天子 下至庶人 以及無知婦孺 莫不尊崇 年年到了八月二十七日的 聖誕 全國皆舉行慶祝 各縣文廟 除春秋丁祭外 首事亦必於是日昭其誠敬 各學校各書院 亦必於是日隆其祭祀 有了尊崇之心 然後有效法之志 雖不必人人皆賢人君子 而至於犯上作亂之事 亂臣賊子亦知所懼 故由周而來 歷秦漢魏晉以至於今 其間雖有夷狄如五胡 盜賊如張李 均不敢不尊禮孔子 因此中國旋亂旋治 不至滅亡 今天到了民國 聖廟之春秋祭祀廢了 學校之 聖牌撤了 經書不讀 禮教不興 竭力驅人爲夷狄禽獸 由是不知父子有親 夫婦有別 長幼有序 朋友有信的道理 一般邪說誣民的人 乘世道愈變 人心愈壞的機會

倡平等 倡自由 倡共產 倡戀愛 把風氣鬧得大亂 人人都有野心 上不能治下 下不能服上 內訌一天一天的更多 外侮一天一天的愈烈 現在遼東被人佔據了 南京被人壓迫了 亡國慘狀 即在目前 還不覺悟亡國原因 就在廢孔一事 真如一個人害了不治之症 一直到死 并不曉得病根在何處 這才死得不值 照這樣看起來 要把中國振興起來 不受人壓迫 除了尊崇 孔子別無二法 何以見得孔子講人倫 如不尊崇 卽無人倫 孔子講禮教 如不尊崇 卽無禮教 無人倫 無禮教 國不成國 當然只有亡的一條路 又如何振興得起來 是欲救國 當先尊 孔子爲必不可緩之事 或有人說 倭寇已佔據我領土 殺戮我人民 事急矣 當用治標之法 那還等得探本尋源 豈不迂闊 不知看來似迂闊 其實切要 從此一方面整軍以

張撻伐 一方面趕緊修德行仁 謹庠序 申孝弟 使兵爲制撻秦楚
之兵 民爲親上死長之民 制敵敵摧 攻城城克 仁者之勇 天下無
敵 匪特一倭寇不足平 即列強亦不敢正目視中國 尊孔之效有如此
謂予不信 請看古來尊 孔 中國數千年 猶稱雄於世界 今日不
尊 孔 民國僅僅二十年 就鬧到幾乎亡國 這就是個明明白白的鐵
證 可見尊 孔是救亡的良圖 不是虛語 予今日因參與大成學校
慶祝 聖誕典禮 環顧當世 寂焉無聞 故不禁而有是言

入則無法家拂士出則無敵國外患者國恒亡

郭彥謙

仲權
華陽

天地大矣 古今遠矣 經訓史冊中 其示吾人以國之廢興存亡者何限
試一一原始要終 推尋而切究之 則其寢興寢廢寢存寢亡之故 雖
時代各殊 而軌轍如一 興固不易 亡亦良難 董子所謂苟非大無道

之國 天盡欲扶持而安全之是也 若自人事而言 則孟子蓋已早下定
義 曰入則無法家拂士 出則無敵國外患者國恒亡 夫孟子以平治天
下自任者也 其微言奧義 載於七篇之書者 大都閔生民之憔悴 開
世主之沈迷 而於廢興存亡之術 特致意焉 曰上無禮 下無學 賊
民興 喪無日矣 曰暴其民甚 則身弑國亡 曰逆天者亡 曰不仁而
可與言 則何亡國敗家之有 曰不用賢則亡 至舜發章更推勘之 以
爲亡國之恒例 即在內之無法家拂士 外之無敵國外患 其言尤精切
懇到 然則此二者不具 國固不可得而亡也 奈何今之人廢經不讀
或未嘗不讀而毫無體認 或亦曾體認而事權不屬 或事權既屬而頓歸
渾忘 以致大義湮沈 救亡乏術 其血氣憤張者 則叫呼囂動 有類
中風狂走之爲 其狡焉思逞者 更抵隙投閒 快其暴戾恣睢之舉 要

之不外分鑣並進 以促成亡國之禍 而於夜半池深人盲馬瞎之境象
祇加厲耳 吁 可痛哉 孟子生戰國之世 無官守 無言責 不居甲
國 則居乙國 亡不亡何足爲輕重 而孟子反復丁寧以示人 則知亡
國之爲禍烈也 有周興滅繼絕 而天下之民歸心 則知亡國之爲禍烈
也 觀於歷代動亂 乃至旅舍無煙 巢禽無樹 則知亡國之爲禍烈也
觀於波蘭越南諸國已事 則知亡國之爲禍烈也 夫法家拂士 何地
蔑有 敵國外患 何時蔑有 有之而其不關痛癢也如故 則其國可謂
無人 無人則其國之不亡也無倖 若徒強自慰藉 以爲民心未死 民
氣可用 國可不亡 卽亡矣 一成不難興夏 三戶亦竟亡秦 未見其
食之得以下咽也 豈不諄歎 抑又思之 無敵國外患者國恒亡 是明
明謂有敵國外患 而後可以不亡也 敵國外患 固無日不以亡我爲職

志者也 人幸其無 孟子轉利其有者 此非淺中浮表之士所能喻也
蓋國於天地 不問人之能否亡我 當先問我之能否自存 我能自存
誰得而亡之 我不能自存 又何待人之亡我 是又孟子所謂自取之也
是又孟子所謂國必自伐而後人伐之也 前例至多 殷鑒不遠 天不
假易 此誠我國人所宜深刻儆省之時矣 故爲今日圖存計 惟有大澈
大悟 吞刀刮腸 飲灰洗胃 痛革平日悖經侮聖之非 力鏟社會淫泆
作亂之惡 憂勤惕厲以聳其心 生聚教訓以厚其力 臥薪嘗膽以作其
氣 先求道德精神之復初 再謀意志武力之團結 夫如是 則彼協以
謀我者 見我之根本革新 漸不可侮 或無俟對壘交綏 而已高唱和
平親善之說 是則拜敵國外患之賜 不既多乎 若徒蹈襲狂迷 不自
振拔 或竟酣豢仍前 荒嬉若素 就令秦庭之泣 幸而奏功 吾恐荐

食之期 終不在遠也 悲夫

大正會館

日新印刷工業社印

說豫

徐炯

子休
華陽

欲召賓客必先預備梁肉欲禦嚴冬必先預備裘裳欲戡定禍亂必先預備人材人材者國家之元氣也養之於平日用之於臨時養之於庠序之中用之於朝廷之上養之於韶亂之年用之於血氣方剛之日或可爲將或可爲相或可施教或可明刑或可任外交或可興工藝知在在之需材期人人之可用孔子曰隱居以求其志志者人材之所以成也然必於隱居時求之何也隱居之時無簿書之責無期會之勞無一切塵緣之擾空山寂寞可以尙友古人歲月消閒可以考求利弊他年旋乾轉坤之事業悉儲之於抱膝長吟之中此所謂預備工夫也今日者以四萬萬人之國而無一可恃之材豈有他哉無預備人材之道而有敗壞人材之道也一廢經而人材壞一植黨而人材壞一爭權利而人材壞一昌言平等自由而人材愈壞從前禮義之訓廉恥之防詩書之澤修

身寡過之道一掃而空之而欲於邪淫姦欺放蕩中求人材是何異緣木而求魚哉所冀深思遠慮之士預備謙抑之人材以弭爭預備廉潔之人材以賤貨預備清明高遠沈毅之人材以捍大菑以禦大患或師友講說於前或弟子傳習於後或勸善以堅其志或規過以全其才或試以事而觀其能或授之書以潛其志窮山之崖野水之濱一二人倡之數百人和之風氣既成遂足以再造區宇焜耀日星夫亦曰預備之道得焉耳今之人不善者無論矣其善者亦僅僅補苴目前而不知爲數十年百年後之預備中國幸而不亡則已不幸而亡亡後不能言無可乘之機會然機會雖至而全國之人庸碌如故猥瑣鄙黯如故則真萬劫不沒矣嗚呼之詩曰迨天之未陰雨徹彼桑土綢繆牖戶吾竊願我國人之書萬本而誦萬遍也

辛未陽歷八月二十七日 省文廟講演

今天是紀念先師生日之第三次爲中國計爲四川計爲一般青年計我只有一樁希望曰讀經而已矣蓋先師之廟雖徧於全國而先師之精神則完全聚於六經之中若舍精神而隆廟貌非所以尊先師也所以我之希望有四個理由焉一曰弭亂二曰育才三曰務實四曰審勢試先說第一個理由今日之亂皆是不孝不弟不忠不信不仁不義之人構造成的報紙所載如逆倫滅理之事天天都有真是見不忍見聞不忍聞蓋幾乎以武王周公皆是老腐敗必定要學商臣楊廣才是嶄新人物此無怪其然也一般人既不讀經不說孝弟忠信之理他不懂得即仁義禮智之字他亦未見過六經者弭亂之書也正倫理篤恩義明禮讓肅綱常亂人如洪水而六經則其隄防也如之何自決隄防而甘於載胥及溺也再說第二個理由昔范文正爲秀才時在南都讀

書五年遂大通六經之旨後來爲一代偉人秦文恭發起一個讀經會後來做了五禮通考一大部書亦爲一代名臣近今梁啓超亦謂得人如曾文正必能弘濟艱難章炳麟亦謂張文襄未死尙能支持清室數年不亡蓋以曾張二公皆能讀書之人今學校廢經不讀又多用語體文字俚俗淺鄙不成爲文受其教者不知有倫理不知有古今不知有清議不知有名節是不造就人材而且敗壞人材也不能使糊塗者明白而且能使明白者糊塗也是愚民政策也是消滅中國固有之文化也是尙能產生范文正曾文正諸公之偉大人物乎是尙能望其捍大災禦大患措全國於泰山之安乎彼亦自信其不能也此不讀經之過也再說第三個理由古人說應天以實不以文今之紀念所謂文也要躬行 孔子之道乃所謂實也 孔子之道備載於四書五經中果能得其髣髴行其一二亦可立致太平漢之文景唐之貞觀清之康雍略見一斑矣今廢

經不讀譬如人日日誇其白米白麵而一口不曾喫有餓死而已矣又日日矜其狐皮羊皮而一件不曾穿有凍死而已矣是何也重虛文不重實際也再說第四個理由天地間正當道理終久消滅不得此國不講究而他國講究之當時不尊崇而後世尊崇之今人愛說順應潮流如今歐洲正在研究東方哲學譯我羣經聘師講授這個潮流如何又不去應順呢友人楊鵬升在日本屢有信來言近今日本學校皆加授我國經學前英人石璞衛亦言距倫敦若干里有人立講舍研究中國羣經至如日人有井氏之於論語德人衛西琴之於中庸皆能闡發精蘊備至尊親默觀大勢似不容我一國獨廢經訓而不用此所謂審勢也要之六經者道德之府文章之祖而製造聖賢之大機械廠也實根本中之根本也這個道理入水不溺入火不焚一人之私不得而廢擱之一時之私亦不得而毀棄之覺悟得早則治則存覺悟太遲必亂必亡所關非細屬

望甚殷今天紀念 孔子我之希望已達到一半然我則甚望我四川我全國能完全達到我之希望也

清授資政大夫華翎二品銜京察記名道府禮部典制司郎中武陟王君

墓表

陽亢宗曰學者學爲忠孝也夫忠孝根於天性豈待學哉然學焉則天性益以厚是所謂讀書種子也嗚呼吾觀於吾友王君而知天之未嘗絕中國矣君諱士傑字偉臣武陟人曾祖諱九齡祖諱汝謙考諱翔青皆通儒著述甚富君少孤性厚重嚴毅年十四五篤志於學晝夜攻苦未嘗解衣帶臥學乃大進光緒戊寅年遂以郡試第一補縣學生員戊子舉於鄉戊戌成進士授禮部主事庚子拳匪變起京師僵屍相屬大臣或無故被戕禮部故與使館鄰飛彈墮屋瓦如雨下晝夜不絕曹司逃散一空君獨入直如故夜宿署中猶賦詩以自遣會有事內閣具衣冠攜一役往署外匪黨林立猶猙露白刃布塞通衢君與之肩摩而過貫行數里匪黨皆睥睨之君坦然如平常亦竟無恙聯軍偪京師兩宮

出狩亂中莫知乘輿所在後探聞行幸太原卽奔赴行在至則百官寥寥禮部堂司尙無一人也時詔求直言君具疏請都察院代奏奉旨嘉納辛丑和議成兩宮回鑾丙午補授祠祭司主事丁未遷鑄印局員外郎旋擢郎中孝欽后奉安禮成賞戴花翎三品頂戴俟歸知府班分發後以道員分省遇缺卽補並賞加二品銜未幾禮部改典禮院升署該院禮制署署長辛亥八月武昌民軍起義項城袁氏入都秉政君知其意叵測遂辭官歸或有勸緩行者君曰吾不忍見大將軍帶劍入宮也嗟乎國步旣改項城勢炙手可熱士之挫廉隅廣聲氣弋穹官而攫厚利者指不勝屈而君以鄉望碩儒獨夷然不屑翩然遠引而若有所澆於己也則其中之所養可知矣癸丑君在京師予以事入都識君於孔教總會言論意志甚相得也一日謂予曰君觀項城何如人也是可以濟中國乎予竦然異之旣而歸武陟羣推爲孔教支會會長君則創育英文社設育材

義塾整理豫北圖書館歲饑則辦平糶立義倉又爲同族立敦本堂凡所規畫宏闊精密久而無弊君性至孝母夫人棄養哀毀骨立動必以禮人不堪其苦又以少遘閔凶抱恨終天遇生日未嘗具杯酒爲樂子弟或介父老以請君觸緒感傷惻怛終日自是無敢言者蓋君學有本原故發外者爲忠孝爲廉潔爲勁正爲慈惠爲憂深思遠又以世風日下汲汲以正倫理篤恩義明聖道育人材爲己任今君雖沒而君之精陽不沒薪盡而火傳鶴鳴而子應吾意大河南北必有豪傑焉聞風興起以拯國家一日之急者而後歎讀書種子之未嘗絕而我先師之靈亦或式憑之也君嘉言懿行甚夥已見於銘幽之文故不贅大約君之學淵源於鄉先賢李文清而醇實似魯齋風節之高邁又絕類夏峯獨遭時不及古人吾爲斯道幸又未嘗不爲斯世悲也君享年七十有三配李夫人繼配石夫人繼配馮夫人子一文田縣學附生女二人長適徐次字劉孫

二人宗望宗雙女孫四人宗婉宗嫺宗熾宗姚重光協洽之歲仲秋月華陽徐
燭拜譔

徐子休先生與衍聖公書

上公尊鑒不修牋敬候已經年遙念與居輒深馳溯辰維學詣精進潭府休和
定符所頌上年兵禍酷烈延及 林廟側身東望時用痾心近閱報載魯省當
局發起募款重修之舉下懷先任欣幸當經約集大成會同人代向各方捐募
並請由捐款人逕匯尊處以期直捷敬會同人捐款則由敬會繕具清單開列
姓名捐數匯請察收燭從事教育歷時滋久今歲二月及門諸學侶相與舉辦
服務教育五十年紀念會會中啓事
附呈一份所釀之金燭意盡數刊印儒先義理之書
冀或昌明正學銖黍不敢以自私茲因修葺 林廟事體重大謹就紀念會款
內撥出川造大洋壹千元交聚興誠銀行匯轉至時併請營入統交經理修葺

林廟捐款機關列收備用亦知淺淺之數於事無裨第此區區誠懷不容自
已敢附土壤細流之義略効水源木本之思伏希鑒照仍盼賜覆肅頌崇安不
備 徐炯載拜

衍聖公復徐先生函

子休先生道鑒頃奉賜書并附清單捐啓暨紀念會啓各一件敬謔春風廣被
時雨咸沾惜未能親炙高賢而承教化至以爲憾 先聖林廟修繕一事仰蒙
鼎力代向各方募捐并承貴會諸公解囊贊助且於先生紀念會中撥捐川幣
千元具徵重道尊師崇德報本之至意鄙懷欽感莫名查閱清單所列共計川
幣壹千壹百玖拾元除印刷郵費陸元實存川幣壹千壹百捌拾肆元匯申升
水爲壹千貳百柒拾叁元壹貳角分茲收到上海聚興誠銀行交郵匯來洋壹
千貳百肆拾捌元整因此次捐修林廟係啟省府主席主政已在濟南組織籌

備會俟該會正式成立後當將此款轉送列收備用除函復上海聚興誠銀行
外用特函達台端先鳴謝悃收款據條容俟籌備會寄到再當奉上至先生服
務教育五十年紀念醴金集會有意刊印儒先義理之書藉明正學德成雖未
及門願襄盛舉但事前初無所聞茲特補具印書費壹百元尙祈莞納以表微
忱專此佈覆祇頌道安

貴會諸公均此致意

孔德成拜啟

徐子休先生復衍聖公書

上公鈞鑒以烟迂庸遙承嘉惠祇領之下慙感莫名但冀江沱細浪永沐洙泗
之波岷峨諸峯獲伸泰岱之仰則上公之有造於蜀士者豈有涯哉郵局百元
收據敬已蓋章奉繳東風如便再聆玉音專此鳴謝順頌鈞安

復國慶籌備處書

徐

烟

子休
華陽

頃閱報紙知外交險惡強鄰四逼貴處於國慶日導人民以言炯豈敢不一言
以上竇聰聽乎但他人往往注意禦外炯則汲汲注意治內孟子曰自侮人侮
自伐人伐我苟無費彼何敢動今日財盡民窮紀綱大壞此誠危急存亡之秋
也昔令尹子西於外侮之後改紀其政以定楚國陸宣公於內訌之後草奉天
罪已詔遂足以戢驕兵悍將之心竊謂此二事者可引爲例今日非絕大更張
一新天下之耳目不足以言救亡也無已其捐除一黨字乎前代以一國置之
一家之下私也今日以一國置之一黨之下亦私也私則百弊皆由此生一般
人民皆曰二十年來我等日日在水深火熱中何慶之有又曰國者黨之國也
於我何與請諸公平心思之今日中國人民爲同心同德之人民乎抑爲離心
離德之人民乎而又處生計艱難紀綱廢弛之日即無外侮已危險萬狀而况
眈眈虎視者不止一日本哉民德全隳民力安在僅有虛氣不足恃也炯以同

舟共濟之心發苦口逆耳之論言者無罪希諸公恕其愚而有以教之

張浚論 季課題

陶士傑 亮生 梁經

史稱諸葛亮與法孝直好尚不同以公誼相取夫好惡乃一人之私而公誼則官聯之大者共恤國難斯謂同仇以君子長者之心相處吾見其吹噓剪拂之不暇安有相刃相劓必欲置之死地而後快者哉徽欽北狩宋室偏安無恥士夫和戎是主當時言戰最力者李綱張浚誠忠壯也然浚之劾綱不遺餘力綱既罷相猶請誅之其言譏諷無非爲汪黃張耳目爲女真吐氣耳故續通鑑考異謂史家於浚多曲筆甚有疑浚爲汪黃朋黨者吾謂浚之得君是否汪黃汲引姑不具論要之當日主戰諸臣如韓世忠趙鼎輩皆先後被其推擠而不聞媿悔其褊淺無識實不足緯羣龍而當大難也嗚呼國命將傾人才有數必如椽椽梁柱義負偃植各安所施乃成大室故汪黃蹶齧李綱路人皆能別其邪

正浚與綱同申敵愾者而斥綱國賊請早竄殛則綱之爲賢爲佞中主固不可得而知而姦人巧言將謂主戰諸人輕躁不輯恐誤大事適成其賣國之計而莫之敢逆正氣自傷故也檜賊當權浚竟齎志以沒非闇於大理誤身誤國者耶

張浚論

李課題

李德龍

伯飛
華陽

君子之節出處而已大臣之責進賢退不肖而已不由其正而往則爲失身失身者害止於一己所進非賢而退非不肖必至誤國誤國者禍遍天下施及後世失其身而不誤國猶得曰枉尺直尋然且爲白圭之玷況於受小人之薦復援小人以進而排君子以去如張浚者乎浚初赴南京主黃潛善汪伯彥揆諸孟子觀遠臣之義既已失之及爲侍御史假宋齊愈事承汪黃意指劾逐李綱遂使上下失望朝端解體陳東坐誅許翰引退張所免去傅亮辭歸君子道消

羣醜肆慝中興之業於焉大壞洎秦檜南還力爲標榜處諸要津趙鼎爭之而不得和議旣倡屈體稱臣金牌十二構成奇冤國勢日蹙不可復振推厥厲階咎有所尸矣夫見賢不能舉又從而擠之見不肖不能退又從而進之好惡拂人何其戾歟或者猥以不知爲解秦檜之姦未露不知猶可李綱之績已著天下共仰而獨不知耶謂非黨惡妒賢其誰信之果並此不知則是昏闇瞽聾心無是非又必非浚所服也失身如彼蠹國若此而作史者侈其補偏救敝之功稱小善而遺大忒得無以繼體有幹蠱之賢而愛推屋烏乎是非者天下之至公孝子慈孫百世莫改瞽瞍伯鯨之惡不爲舜禹貸南軒雖名德其如公道何昔南軒嘗以魏公行狀屬朱文公後讀光堯實錄文公深致悔焉蓋善惡之不相掩如此益以見爲仁由己作孽自躬雖有周親無改其德故君子盡其在我而慎其出於身者

張浚論 李綱題

胡萬錕

萬錕成

欲知張浚之是非須先知李綱汪黃之是非李綱是則汪黃非矣而張浚則劾李綱者也欲知張浚之是非須先知岳飛秦檜之是非岳飛是則秦檜非矣而張浚則薦秦檜者也向使南宋以李綱爲相岳飛爲將極其所至躋之三代而無難豈特電掃河洛霆摧黃龍迎二聖而復中原哉天不祚宋特生張浚劾李綱而並欲殺綱其卒也竟假秦檜之手以殺飛二人去而小朝廷遂岌岌不能支矣况富平敗鄜瓊叛符離潰雖有微功何能掩此大惡竊嘗論之歷代之小人實小人名亦小人獨有宋一代之小人實小人而名反得混迹於君子之林嗟乎以名爲君子而實行小人之事其慘毒更甚於名實俱小人者數倍幸有一蘇雲卿避之若浼去之惟恐不速蓋深痛李岳之忠而不爲所容故翩然高翔若鸞鳳之不可得而羈勒而惜乎當時無蘇明允其人作論以辨其奸遂使

史氏曲筆顛倒是非而後世且有以忠義許之者嗚呼忠義者且如此此南宋之所以爲南宋哉

祭王偉臣先生文

徐炯

子休華陽

嗚呼偉臣河朔之英崧高之靈氣溫以肅質厚而清恪遵洙泗遠紹洛閩超然高舉如漢管寧嶠然不滓爲晉淵明辛壬以還大道將淪撐撐扶翼惟君與陳癸丑之夏我來王城一見如故傾蓋斷金箴予愆咎陶子性情邈焉契闊逾十八春君嘗語予天涯比鄰金玉時至警欬常親析疑解惑良誨悱悱忽聞噩耗天喪斯文吾道益孤兩泣風驚遙致生芻略抒哀忱君而有靈享此一尊

華陽職業學校校歌

徐炯

孔子曰足食兮孟子曰有恒產而後有恒心我惟遵孔孟之訓兮汲汲謀職業之振興幽風有圖考工有記餘則採之於西鄰坐見我天府之國兮震全球而

跨越乎古今

古今圖書集成
藝文

一四

大成會叢錄

日新印刷工業社印

一聲鐵笛激清秋忠肝豔骨人何在南北高峯只對愁
尊羹鱸膾無消息海日
江湖亦等閒立馬峯頭聊一望空餘江葉滿孤山昔恨頑臣屠志士今看宰相
跪將軍我來湖水平如掌不有風波有白雲湖上西風夜夜吹電燈青黯射楊
枝老來西子無情緒淡抹濃妝兩不宜

辛巳六月余至尊經書院與朋好縱談徹夜未嘗眠天甫明有倡議遊新都桂
湖者余與曾君奐如葉君韞丞步行九里出北門初意欲騎而行至迎恩樓則
驛馬皆發又步行二十里至天迴鎮早餐又步行二十里至桂湖甫入門見數
十畝之綠荷香氣迎人頓忘天時之酷暑也已而謁倉頡殿坐交加亭相與話
楊文忠之勳名楊升菴之文章謝忠愍之節義流連者久之去而飯於袁家祠
佐以魚肉余食魚獨多又出新都之北門觀寶光寺羅漢堂之塑像像弈弈有
生氣與靈隱寺塔復繞至新都之西門歸成都步行四十里至丞相祠大雨忽

至衣半濕入茶社避之雨霽入城燈火滿街矣過劉潤泉家其母夫人遽呼曰岳鳳吾子內艱矣盍往視之乎急折回西府街爲之經紀一切三鼓後始寢人以爲余三人者必病也已而皆無恙

丁酉冬余偕謝君次洲買舟東下由成都至重慶千里而遙溫度漸升衣重裘者可去其一由重慶至夔巫千里而近溫度驟低雖重裘仍寒也是日微雪乃煮酒以燒筍佐之推篷而望北岸之所謂十二峯者次洲聰明與之論古今皆通曉於清寒寂寞之境得此同心自覺久而不能忘也

甲午余至北京見太僕寺衙署之左扉朽而穿一穴越四年戊戌余復至北京左扉之穴仍在也甲午余由京旋蜀取道施南至建始見城門左扉臥地青苔蝕其半嗟乎小者如此大者可知此清祚之所以不永也夫

丙午春余在日本之東京正月二日積雪初晴余偕朱君純齋林君孝秋徐君

伯文郭君季容及兒子孝恢由新橋乘汽車至大森步行入八景園園位於海濱之山脊甫入園見白雪爛爛如銀雪之上紅梅也梅之外蒼松也松之上藍天也天之下碧海也四望極清曠主人者盡開溫室之前扉以迎客客乃圍爐團坐午則飲醇酒烹海魚啜青精飯而飽之或言教育之狀況或言故鄉之風景或言東人武功之盛竟戰勝歐洲之強國歡笑竟日不知身在羈旅中也時有乘興欲至明樓者以薄暮不果仍乘汽車返東京則電燈明矣

丙午冬余由秦旋蜀除夕至朝天鎮休息一日翌日越朝天關輿夫憚其險峻請泛舟趣廣元終日未泊無從購食飲飢甚又雪花片片下羣山皆白同舟有樂工數人方拊箏鳴琴操秦聲而謳哀怨之詞於亂山風雪中余不禁適然而笑也

癸丑四月初四日余由成都起身十五驛而達鑪城沿途瓦斯溝最險峻飛越

嶺次之大相嶺又次之鑪城形勢四面皆山南北約三里而強東西約一里而弱門三一水自西來貫城中所謂瀘河是也東城外有一水自北來入瀘河兩水皆湍悍有聲如雷河之北曰陝西街富商居之河之南每地異名繁富遜於河北城中有橋四民間皆飲跑馬泉之水水甚甘全城無良旅舍獨大興行店稍勝餘皆閭穢不可居旅客每居鍋莊夷俗以碎石砌屋塗其頂穴其旁謂其安鍋紮莊之所也莊有樓器具往往類日本貨物輸入內地者以金革藥材爲大宗輸出者第茶耳茶商陝人爲首榮經清溪商次之勞力者率川北人金礦隨地皆是如西卡如瞻對如裏塘如毛丫者不下數十處鑪城地氣高寒五月猶積雪可衣重裘午前十鐘卽風午後二鐘或三鐘止夷人以三崖波米爲最悍鄉城爲最慧然其俗大率勤而樸且誠信不欺所以屢致叛亂者以馭之失其道而又有漢奸挑之也三十日余偕尹碩權嵇少庚乘馬出南門行二十五

里至榆林宮明正土司來迎浴於溫泉稍憩飲牛乳食青稞麵復飲粥一甌又西行六里至老榆林宮河岸有溫泉二皆自巨石湧出泉甘芳可飲投以雞子約兩分鐘即熟鑪城邊軍勇敢耐勞苦然無紀律與陸軍意見甚深邊軍約五千陸軍數亦相埒鑪城關稅收入歲不上二十萬成都須月助十六萬餘乃足後之籌邊者糧運倘兼道懋功又能浚瀘河下流直達嘉定得人如李文饒張忠定者經營之必有可觀今之時賢恐未足語此也駐鑪城凡二十五日復返成都

庚午二月初八日夢人以菊莖柏葉鋪地作人形謂予曰吾與汝換一個身子汝來予應聲往鋪地人形即蹶然起予恐新形之易散落也頗危懼既而覺舊形甚煩懣新形極清適又自覺我之新形如舊形之二十許人貌略豐乃大喜以爲我又青年矣適握筆作行書舊形作也字末筆直下新形作也字末筆折

而右乃上鈎以避人之覺我新舊形爲一人異哉此夢詩以紀之萬物紘紘備
我身夢中細與說分明前途天道非幽遠翠柏黃花俱是春蛻卻塵衣七十年
逝將去汝轉欣然揮毫末筆須珍重又一羲皇又一天竟與貧儒換骨丹須知
不是別仙凡從前種種俱收拾細認羲爻先後天感念衰殘不自禁忽於夢裏
慰雄心朱顏白髮互流轉朗誦堯夫觀物吟離奇畢竟不離奇消息密微我自
知一筆勾消多少夢萬花開處月明時已而八月大病幾死仍未死或者此其
兆歟或者不久仍將化去歟是未可知也

考之史建安二年曹操以鍾繇爲司隸校尉督關中諸軍建安五年曹操破袁
紹於官渡建安十一年曹操斬高幹於并州建安十六年曹操入潼關擊破馬
超韓遂等正武侯所謂操已擁百萬之衆挾天子令諸侯不可與爭鋒也全謝
山氏乃謂武侯當棄荊州而圖長安劉琮新降當陽新敗以創殘渙散之卒能

奮起而與操爭乎吾恐長安未得而昭烈已爲袁紹高幹之續矣魏默深反推崇全氏以爲論高識卓嗚呼書生紙上談兵往往類此

曹操一舉而降張魯定漢中不因此時以圖巴蜀劉曄知之司馬懿知之法正知之豈奸雄如操反不知者法正以爲內有憂偪考其事實又殊不然則知操非內有所憂實外有所怯耳操與夏侯淵書爲將須有怯時陸遜亦曰劉備一世梟雄曹操所憚方關侯威震華夏操欲遷都以避其明徵矣蓋昭烈諸葛壯穆皆人傑也全蜀既定威勢日張操心憚之知難而退然則操非失策若鹵莽進兵乃真失策耳

孔道輔劾王德用歐陽修劾狄青秦檜劾岳忠武孔歐秦人品雖不同然可見趙宋一代之風尙

明孝宗遣人求太后家云寧受百欺冀獲一是藹然仁孝之言可抵一篇瀧岡

阡表

吳草廬以諸葛武侯爲行不著習不察以予觀之武侯將漢賊二字看得分明草廬將華夷二字看得不分明如草廬者乃真行不著習不察耳家人上卦爲巽巽爲長女下卦爲離離爲中女故象辭曰利女貞

明夷象傳曰文王以之箕子以之文法分明是平列惠棟乃讀箕爲亥如何可通

人之有道也是五倫之道率性之謂道是五常之道

享國七十五年之中宗由於嚴恭寅畏享國五十九年之高宗由於不敢荒寧所謂生於憂患也亦罔或克壽之後王由於生則逸惟耽樂之從所謂死於安樂也

江漢以濯之是洗心二字註脚

軍令貴肅有聞無聲周之所以興也終夜有聲晉之所以敗也

王安伯放言高論啓後世非聖無法之漸

春生秋殺只說得一個大概其實只一生字秋時菊生冬時梅生故孔子曰四時行百物生

齊桓之死至六十七日始殯權利競爭倫理絕滅陳氏之禍已胎於是

城濮之戰楚敗於一戲字晉勝於一敬字狐先之謀略皆其後焉者也

先穀當誅也而滅其族則已甚矣楚子曰子文無後何以勸善予則曰先軫無後何以勸善

知罃之對楚子與晉文公之答楚子同一英雄氣概而楚成楚共俱不因其言而加害亦不可謂無英雄之度也

趙襄士弱古人命名殊無所諱

歐公序廖氏文集有六經非一世之書其將與天地無終極而存也讀之令人氣王

年長者無人主持風化年少者無人研究學問吾獨之憂孰大於是教化陵夷紀綱廢弛學說淆亂生計艱窘皆民德所以墮落之原因齊神武性深密陶長沙性纖密成就雖殊然皆各有所成也若文震孟之疏則濫體仁從而擠之矣

二百餘年前李二曲已有取於泰西水法李晚村嘗託人購湯若望天文實用一書故知真儒斷不泥古

歐公豐樂亭記本有一片憂盛危明之意却含蓄不露是爲高手別賦之春草碧色春水綠波送君南浦傷如之何秋聲賦之星月皎潔明河在天四無人聲聲在樹間後赤壁賦之江流有聲斷岸千尺山高月小水落石出

下語皆極自然蓋文之佳者未有不自然也

讀秋聲賦既畢回思明道云道人不是悲秋客范文正云不以物喜不以己悲是百尺竿頭進步語

讀恨賦春草暮兮秋風驚秋風罷兮春草生分明說出一個剝復循環道理

潘安仁馬汧督誅工者僅字句耳曾滌生推之殊太過

賈充憂謚林希擲筆彼雖凶人亦見性善

高忠憲之爲人也恥心最重孫夏峯自謂頗愛廉恥顧亭林拳拳服膺者行己有恥一句可見古今聖賢皆一恥字做成

韓退之潮州謝表過於卑諂至以封禪勸憲宗則尤諂也

全謝山述東萊學案謂東萊爲宰相之量惜其早卒晦翁遂日與人苦爭劉海峯作息爭謂爲洛之徒者以排擊蘇氏爲事爲朱之學者以詆謫陸子爲能此

種鄉愿議論惜乎不令晚村考夫見也

一部日知錄十之四極精粹十之六亦是閒言語

顧亭林氏以聰強之資有辭必已出之意故舍窮理盡性而惟事一切考據又生當明季親覩弘光隆武之禍其立論往往有爲而言不盡合真理也

魏鶴山之學可謂精博矣然亦有泥古處

伊川易傳於義理有支離處於文辭有繁冗處然其精粹處則亙古不能磨滅也

真魏二公宋史皆不記其年獨文靖撰文忠神道碑稱其年五十有八按文忠卒於理宗端平二年逆數之當生於孝宗淳熙五年碑文又稱與公同生於淳熙則文靖亦生於淳熙五年也文忠卒後越二年爲理宗嘉熙元年文靖亦卒則文靖亦僅享年六十耳文靖卒後越四十二年而宋亡

先生自言二十七歲即志於斯學心體躬行未嘗敢懈

先生指桿亭

昔司馬子長述貨殖游俠特以自舒其孤憤而不知是非謬於聖人

有沮溺之心然後可以行孔子之道有考槃衡門之節然後可以處羔羊甘棠之位

九

蘇氏之文拾蘇張之緒餘者什之五醉佛老之糟粕者什之五且以伊川大賢而目之爲姦幾乎目不辨黑白而耳不聞雷霆者矣

光明正大於翰墨之間而不能不糊塗委靡於日用之際
遇益隆而行益汚位益尊而品愈卑

士苟有志雖使處秦之初宋之季廢詩書禁道學猶將修身獨善以守先待後爲己任

必爲轉移風氣之人勿爲風氣所轉之人

昔朱子學問自同安歸後益加策勵

誕辰稱觴非古也自漢晉以前未聞有此禮有之自齊梁之間始顏氏家訓中嘗備言其非故近世士大夫之好禮者皆鄙不爲

親之志有顯而易見者順之易有隱而難知者順之難

讀程朱之書行程朱之行是亦程朱而已矣

桑田滄海變易無常安能據目前所見而遙斷數千年以前之形勢哉 十

一心之微日用之間利害得喪愛憎毀譽困之者嘗四面而至

吳磊齋先生有言子弟一讀書則百病皆除

我見人家有累世富盛者必其人戰戰兢兢常若履虎尾涉春冰自卑而尊人者也有方盛而忽衰者必其自尊夫視其家若泰山之固磐石之安人無如我何者也

紀綱盡廢人不復知有廉恥十一

吾先府君家法子弟不能讀書則當執一業農工商惟所宜不得爲天地間閑食人以辱祖宗

海鹽吳忠節公曰居官不入黨秀才不入社便有一半身分

先府君諱元一諱標錫 姓陸氏系出唐宰相宣公

且捐納先用之人大抵皆犇競躁進之人

外集一

若保舉可以捐納則是清廉二字可以捐納而得也

與其蠲賑於既荒之後何如講求水利於未荒之前蠲賑之惠在一時水利之澤在萬世

但古人溝洫之制隨時修理故不覺其煩費今以久湮久塞之河道一旦於疏其壅而防其潰工費浩繁勢難卒辦

北方地土瘠薄 近山之地砂土參半遇雨方可耕種稍旱即成赤土近水之區水去則略有田形水至則一片汪洋

靜觀今日之時勢百病之源起於民貧

此輩原係白丁捐納得官其心惟思撈其本錢

地方利弊之所在以虛文視之則皆故套也以實心爲之則皆仁政也

上之搜求於州縣者無餘地則州縣之搜求於窮民者亦無餘地

東林之起主之者實皆爲君子而其始也不免以君子而過激其繼也不免以非君子而妄入二

我國家初承明季之習士氣浮誇不得不稍示裁抑而士風日趨於下砥礪廉隅者百不得一而刻方爲圓者比比而是苟可以獲利不知復有禮義也苟可以進身不知復有廉恥也向以激昂爲高者今且以逢迎爲高矣向以虛名爲

尙者今日且以貪鄙爲尙矣

今日議論之弊與前代異前代之弊在議論之多今日之弊在議論之少 今朝廷雖大開言路無有忌諱而議者未能深體上意往往局踣而不敢盡是以雖章奏日上而試問引裾折檻者何人也碎首玉階者何人也言及乘輿而天子改容事關廊廟而宰相待罪者何人也 三

天之愛人主與愛天下之人不同天之愛聖主與愛庸主又不同 漕運之法三代以前無有也以漕運而裕國秦漢以來不得已之策耳 漢之初漕山東粟以給中都歲不過數十萬石至其後則歲六百萬唐之初歲不過二十萬至其後則三歲七百萬宋之初亦不過數十萬其後四河所運至五百五十萬夫其所以不得不多者何哉養兵之太多也冗員之未盡去也西北之荒田未盡墾也

若夫漢唐宋之時其所重者在簿書期會所急者在錢穀兵刑而凡先王所以導民之具則以爲迂闊而不暇爲

政教者風俗之本原也

自堯舜而後羣聖輩出集羣聖之大成者孔子也自秦漢而後諸儒輩出集諸儒之大成者朱子也四

六經者聖人代天地言道之書也六經未作道在天地六經既作道在六經愚觀今天下之士猶不能無所諱忌對策之際往往務合上意

西北多平原廣野阡陌之制久廢溝洫之制久湮欲疏而導之也難

地利無盛衰也政教之所詳則盛政教之所略則衰秦漢以前西北盛而東南衰者其政教略於東南而詳於西北也晉宋以來西北衰而東南盛者其政教略於西北而詳於東南也

崇知有以堅之而未知所以養之也 不然豈其二十年憂勤之志而一女子
一小人能使之顛倒回惑而不可收拾也耶

靈邑地價每畝一二錢不等五

溝中之瘠猶是册上之丁黃口之兒已登追呼之籍

以豪傑自期則豪傑矣以聖賢自期則聖賢矣

鄉約以勸善保甲以懲惡

天理爛熟時萬事鴻毛輕

草根盡充食斗米三百錢

亦是聰明奇偉人能空萬念絕纖塵當年可惜生西土未聽尼山講五倫題靈

邑南寨邨佛寺

宛邱先生學頗堅惜從蘇氏雜狂禪莫道紛紛渾似夢人生何事可茫然讀張

文潛江上詩因嘲

先生居喪不作佛事 附錄

仁是未發之愛愛是已發之仁 松陽鈔存一

周子太極圖全是知天命之學

聖賢千言萬語欲人之心意範圍於義理之中而已

克己一己字最可怕這箇己生於氣質成於習染爲意必固我爲克伐怨欲

雖若有輕重淺深之分數不同然有了一分便障了一分義理 自聖人以下

皆是以這箇去留之分數爲人品之高下

必窮十三經必閱注疏大全必究性理必覽朱子文集語類必觀通鑑綱目文

獻通考必讀文章正宗

故余謂講章之道不息孔孟之道不著也腐爛陳陳人心厭惡良知家挾異端

之術起而決其藩籬聰明向上之士翕然歸之隆萬以後遂以背攻朱注爲事而禍害有不忍言者

朱子解經有極放胆處有極小心處

朱子於易則取先天圖取河圖洛書於詩則黜小序於大學則不用古本於孝經則作刊誤此皆有旋乾轉坤之力與湯武撥亂反正同功

大學二程皆有改正本至朱子始分爲經傳復補格物致知之傳其說精矣

學者只斷以朱子所考訂者爲正而凡移經作傳及不分經傳者皆不可從呂氏謂大學經程朱考訂如地平天成卽與鴻荒時境界有不盡合分外分明停當萬世永賴後來紛紛動援古本石經狡焉思逞都是無知妄作可謂確論

家語一書亂於後人之手又未經程朱大儒論正是以愈傳愈亂

志載家語二十七卷顏師古曰非今所有家語也

漢書藝文

正直忠厚處世之道只此二端所難得恰好者分寸耳不講分寸而各持一說則二者皆必弊之道也

人生處處要樹立一界限事事要斟酌一分寸

陽明與錢緒山王龍谿證道於天泉橋上 愚謂此一條是王學病根 不知明季諸儒何以必極力爲之回護

蓋先生指景逸之學專以靜爲主而其靜也又以呈露面目爲主純是禪學由其初不知延平觀喜怒哀樂未發一語爲有病 到後來臨終與友人書云心如太虛本無生死何幻質之足戀乎又遺疏云君恩未報願結來生全是佛家話頭其平生好處只是從天資上發出來與學問全無干涉 高景逸之學大抵本於念菴

李見羅取止至善爲宗旨只是將陽明之良知改頭換面耳非有二也其學又

在念菴景逸之下矣

東莊曰陽明所爲皆苟且僥倖不誠無物吾未見其能應事也觀其邇近侍結中朝攘奪下功縱兵肆掠家門乖舛尤甚皆載在實錄可考而知也

考夫東莊之論陽明比予更嚴

東莊曰東坡學術尤誤人好其學者戲謔游蕩權詐苟且無所不可故人多樂而從之今之聰明才俊而決裂於廉恥之防者皆以東坡爲窟穴者也

以六經爲聖人糟粕者猶以虛無之見置在六經外以六經爲我注脚者直以虛無之見置在六經內故象山之解經其害更甚於王何也

史記檀弓皆載孔子負杖逍遙歌泰山梁木之事吳草廬曰此妄也聖人德容始終如一至死不變 草廬此論言聖人死之際甚明白

章楓山謂朱子語類一書雖出門人所記不敢謂其字字句句皆無差誤而其

中所載大而天地鬼神之奧小而一事一物之宜凡所以窮理修身應事接物與夫治國平天下之道靡所不備大有功於後學信哉

杜氏駁去素王素臣黜周王魯之說最有功於春秋 三魚堂臚言二

世儘有言之克踐而心實虛浮者所以聖人言信必緊連忠字此是王伯之辨

世又有一等人心實無私而力量未足外反爲遺漏此又是學問疏密之辨學者所當致力 三

凡人形神有限不可久用神久用則竭形太勞則敝不可以久勞也神不用則鈍形不用則痿不可以久逸也固當勞逸更遞以宣散其氣朝則聽政久則疲疲則易之以訪問訪問久則倦倦則易之以修令修令久則怠怠則易之以安身安身久則滯滯則易之以聽政以後事改前心則亦所以散其氣也此一段可與寬猛之理同看 四

先儒謂格物之外無致知工夫此言有味蓋舍格物而言致知工夫則惟有良知耳良知不可恃也惟有主靜耳主靜亦不可恃也

忠是一心之誠信是隨事之誠

春秋之末漸成一利口世界莊子一書以利口談理戰國策一書以利口議事

五

讀太極圖說註深有味乎繼之者善一繼字繼之即所謂萬物資始也不言始而言繼蓋陰陽無始也此等處朱子發得真是十分明白 六

古人之教必防之於未然必使之以漸進所以教無不成

張幹臣困知記序云有崇正學之稱而已非正學有關異端之論而已趨異端此數語曲盡嘉隆以來講學之弊 七

今人挾一偏之見恥屈於正論多方以求勝

辨有明之理學較宋更難以陽明之功業高劉之節義皆天下所信服如順風而呼故辨之尤難八

陽明以朱子爲楊墨以孔子爲九千鎰其得罪在萬世

真西山夜氣箴曰必齋其心必肅其躬不敢弛然自放於牀第之上讀至此不覺悚然

吾人存一至誠無僞之心進而有爲可謂忠矣然其間輕重緩急過差而不合於義者儘多故進思盡忠必退思補過

日求去過而過不能去者一則起於欲根未盡一則起於習氣未除一則起於見識未真

一篇朱子行狀卽是一篇太極圖說一篇太極圖說卽是一篇朱子行狀

人之喜怒各有氣象程子欲人忘其怒而觀理之是非愚更欲人忘其怒而觀

怒之氣象儘有怒得是而氣象不好者

大人言態見可之講書但自講一番而不能使其委曲入於童子之耳予因悟聖人言忠又必言恕蓋能盡心而不能推己其弊如此

春秋之義不責下責上不責小人責君子大易之義不憂衰而憂盛以此思之人生何時可不戒謹

漢書循吏儒林二傳學者不可不讀 九

傅掌雷明書筆力頗弱以張孚敬等置佞倖傳張居正置權臣傳李贄置異教傳其識甚卓

孫北海學博而才敏其所著諸書雖不皆精然多有益於學者博學之士皆收入門下相助校對朱錫鬯顧甯人其尤也 十一
陶庵之學間入於禪

徐九一雖溺於聲色而晚節甚好宜其有子昭發也

宋崑友言我輩當隨處體認天理亦當隨處培養人才十二

佛書稱乳成酪酪成酥酥成醍醐可以悟學問已精益精之境

四先生之書醇乎醇者也吾三十以前未能讀此書也四十以前雖讀亦如未讀也五十以後讀之而悅焉六十以後讀之而幾不能舍蓋四先生之言皆我所欲言而未能言者也然而老矣無能爲也矣恐終不免於小人之歸矣急印之以公諸未老而讀此書者民國十二年癸亥十一月華陽後學徐炯跋

溫江大成小學校來函

逕啓者敝校同人前因中央欲廢孔祀約集一大成會以爲繼續又以年徒致祭不足以昌明聖教迺由會內捐貲建立大成小學校以作育道德人材因推紹香爲校長紹香以事關聖教義不敢辭謹於今歲招生開學校內一切規劃均依舊學式注重講經讀經科學則擇尤教授此種辦法與現今學制顯有不同自不能由教育機關升轉竊聞貴校辦理有年成效昭著久爲各邑人士仰慕敝校與貴校均係昌明聖教而設又均以大成立名自應聯爲一氣免致歧異擬請嗣後敝校畢業學生卽升送貴校考取收容以資造就敝校長前已到省晉謁商籌深蒙允許不勝忻慰茲特函請貴校將校內所有現行規則煩各抄一份發交敝校俾敝校得有遵循不致南轅北轍相背而馳實爲公便此致大成中學校校長暨教職員公鑒

各校祀 孔紀略

本校於夏歷八月二十七日午前七鐘召集全體會員暨本校中水兩部學生敬謹詣 禮殿前行釋菜禮

樹德第三小學校聘本校主任黃樹滋先生爲校長黃先生始令學生於夏歷八月二十七日行祀 孔禮

華陽縣立職業學校聘本校教務徐孝恢先生爲校長該校新建 禮堂於夏歷八月二十七日行祀 孔禮

建本學校於夏歷八月二十七日行祀 孔禮

三英學校於夏歷八月二十七日行祀 孔禮

本會辛未年八月初二日票選董事表

徐子休先生三十八票

曾奐如先生三十五票

陳孟孚先生三十票

郭仲權先生二十二票

周萃池先生二十一票

尹仲錫先生十八票

黃肇宇先生十八票

劉萬鍾先生十八票

蔡昂若先生十三票

曲阜孔教總會來函

大成會諸先生道鑒頃接閩浦城孔教支會長侯君程亮副會長章君曾陶來函并寄來捐修曲阜聖廟郵票洋二十元

大成會費金

日新印刷工業社印

華陽縣立職業學校成立紀念宣言

(一) 本校成立之經過

吾邑自清光緒癸卯年改潛溪書院爲華陽學堂三十年來幾經改組今爲縣立初級中學校而邑中各區立小學亦相繼成立與年並進所有高小畢業學生暨有相當學力者逐年加增只此初中一校爲升學之所實有不能盡量容納之勢鄉人父老慮多數青年之失學乃建議增設第二初中於鄉區嗣因軍事進行中輟縣長 葉公劍鳴下車伊始即視地方教育爲當務之急又復召集縣紳提挈進行遵照新頒部令改爲職業學校於是官紳協議之結果擇定縣區之適中地點乃決於中和場舊有之南華宮陝西館帝主宮三廟地址改建今校此本校成立之經過情形也

(二) 本校現在之組織

本校遵照部章視地方之所需開設農工兩科農則趨重園藝工則專究染織兩者皆以習得相當技術爲主旨至於初中之普通學科應有盡有未嘗稍有缺略學生在本校畢業後進可升入高級學校退可經營農工實業期成有用之材而無進退失據之虞茲爲便於觀覽計特將本校組織綱要撮錄於後

(甲)德育方面 發揮我國固有之文化服膺先聖之遺訓而作管教之原則陶鎔學生之德行務使其思想高尚純潔持身謹嚴誠樸在校則勤於修業慎於擇友居家則孝敬長上友愛弟兄處世則忠以恕臨事則敬而信

(乙)智育方面 本校遵章授以左列各學科

(子)普通課目 黨義 國文 英語 英文 中外史地 植物 動物
礦物 生理 衛生 算術 代數 幾何 三角 物理 化學
音樂 圖畫 體育

(丑)農科主要課目 園藝 作物 土壤 肥料 氣象 病虫害 畜

產 農具 農業經營 農產製造 農場實習

(寅)工科主要課目 圖案 製圖 色素化學 色染法 機織學 紡

績法 染織學 織物原料學 織物整理 工場實習

(丙)技術方面 本校農工兩科除授以普通暨農工專門學課外並設置農場工廠實地操作務使學生技術嫻熟能自樹立而為生利之人

(丁)體育方面 本校隨時隨地俱留意鍛鍊學生之體魄除授以體操學課外室外運動則有籃球網球之設備於教室自習室及寢室之內則督率躬親灑掃更加以農場工廠之實習不啻實踐農夫工匠之操作至於在校之起居飲食均有恒度住室則通氣透光乾燥清潔無不合於衛生之道

(三)本校將來之希望

本校既承 葉縣長提挈於前復經 樊縣長維持於後始告成立惟開辦之初諸種設備均極單簡如望學生學力充實技藝精嫻則尙待逐年增補以期完備使學生既得了解於學理復能驗證於事實此其一農科專攻園藝工科專習染織自宜於吾鄉風土市情堪稱適用之學而外此尙有其他科目如蠶絲科畜產科應化科金工科商科等亦未嘗不適於吾鄉之用設我鄉人得見今之設施爲不謬認爲所耗之財爲不虛所造就之人材爲有用則更望協力贊助共謀本校之發展增設科目以宏教育爲吾鄉多養成有作爲之青年而爲農村之中堅健全份子產業界之改進先鋒豈非吾鄉最可慶幸之事此其二至於本校農工兩科畢業學生如其家庭力量優裕昆季繁多不須其出力治生自可遵循教育統系投考農科高中

本年四川大學農科學院已附設農科高中班

與工科高中

現在成都市少城包家巷

設有四川省立第一
工科高級中學校

如其尙願深造於高中畢業後更可進而投考四川大學之農

工兩學院或赴省外國外遊學精亦求精學問之道寧有止境如其力量綿薄鮮有弟兄在本校畢業後即須輔助父兄治理生業者亦可本其在校所習得之智識與技能或開蔬果園圃或設染織工廠更就事實上加以歷練允能維持其一家之生計果能如此方不負縣府提挈籌畫之苦心與諸鄉紳創建經營之毅力此其三本校之希望固然如此而同人等之心思材力有限不備之處自知難免尙冀鄉邦賢達不吝教言指正一切俾上陳各情能逐漸實現則豈特同人等之私幸抑我桑梓之公幸也謹此宣言諸希
荃察不盡

籌備員
華陽縣立職業學校
教職員
等公啓

中華民國二十年十月九日

馬素論留學生 錄學衡

西人往時多說教中國中惟有留學生而今則改變其辭曰禍中國者官僚之外即留學生一曰虛浮一曰偏重英文對於中國學術漠不關心故留美學生大半國文不通國情不懂當然缺乏深沈的思慮與獨立的精神故治國則主親美經商則爲買辦服務社會則投降教會機關辦理教育則傳播拜金主義

章炳麟致柳教授書

翼謀先生足下頃於史地學報中得見大著所駁鄙人舊說如云孔子竊取老子藏書恐被發覆者乃十數年前狂妄逆詐之論以有弟兄曉之語作逢萌殺羿之談妄擬聖哲乃至於斯是說向載民報今叢書中已經刊削不意聽者猶陳其芻狗足下痛與箴砭是吾心也感謝感謝鄙人少年本治樸學亦唯專信古文經典與長素輩爲道背馳其後深惡長素孔教之說遂至激而詆孔中年

以後古文經典篤信如故至詆孔則絕口不談亦由平情辯論深知孔子之道非長素輩所能附會也

大成會業錄

日新印刷工業社印

每本取印
刷費一角